

যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) এর অর্থায়নে পরিচালিত বেসরকারি সংস্থা “হিরো অব গ্লোবাল হেলথ” নির্বাচিত মিসেস খানের গুরুত্বপূর্ণ টাইম ম্যাগাজিন আন্তর্জাতিক পুরস্কার লাভ

ঢাকা, ২৭শে অক্টোবর -- আগামী সপ্তাহে নিউ ইয়র্কে

অনুষ্ঠিতব্য টাইম ম্যাগাজিন আয়োজিত ‘গ্লোবাল হেলথ সামিট’-এ^১
যুক্তরাষ্ট্র আন্তর্জাতিক উন্নয়ন সংস্থার (ইউএসএআইডি) অর্থায়নে
পরিচালিত ‘কনসার্নড উইমেন ফর ফ্যামিলি ডেভেলপমেন্ট’
(সিডারলিউএফডি) এর যুগ্ম প্রতিষ্ঠাতা মিসেস মুশতারি খানকে পুরস্কার
প্রদান করা হবে। টাইম ম্যাগাজিনের বিজ্ঞান বিষয়ক সম্পাদক
ফিলিপ এলমার-ডিউইট বলেন, “বিশ্বের দরিদ্র মানুষের স্বাস্থ্যের
উন্নয়নে যারা নতুন ধারা প্রবর্তনে অগ্রগামী, আমরা সেই সব লোকজনকেই খুঁজছি।”



বিগত ২৫ বছর যাবৎ মিসেস খান জন্ম বিরতি পালন ও পরিবার পরিকল্পনা গ্রহণে উদ্বৃদ্ধ করতে
স্থানীয় বস্তিতে কাজ করেছেন। তিনি শাশুড়ি ও স্বামীদের একথা বুঝিয়েছেন যে তাদের দু'টি সন্তানের
বেশী প্রয়োজন নেই এবং মেয়ে শিশুদেরও মূল্য রয়েছে। তিনি নারী শিক্ষা এবং চাকুরীর জন্য প্রশিক্ষণ গ্রহণ ও
ক্ষুদ্র ব্যবসা শুরু করতে বালিকা ও তরুণীদের জন্য ক্ষুদ্র ঋগের সুবিধাদি সম্প্রসারণে কাজ করেছেন।

‘সিডারলিউএফডি’ বাংলাদেশী মহিলাদের জন্য বাংলাদেশী মহিলা দ্বারা পরিচালিত একটি সম্পূর্ণ
স্বেচ্ছাসেবী সংস্থা। ১৯৭৬ সালে শুরুর পর থেকেই সিডারলিউএফডি বিপুল সংখ্যক মানুষের কাছে পৌঁছাতে
চেয়েছে। এর আওতাধীন এলাকায় মোট লোকের সংখ্যা দশ লাখ চোঁত্রিশ হাজার।

প্রতিষ্ঠানটি ঢাকাসহ অপর আটটি পৌর এলাকায় ১৭টি স্থায়ী ও ৫৬৫টি ভ্রাম্যমান ক্লিনিক পরিচালনা
করে থাকে। এর আওতাধীন এলাকায় লোক সংখ্যা দশ লাখ চল্লিশ হাজার এবং প্রতি মাসে সিডারলিউএফডি
ক্লিনিক ৪৫ হাজার গ্রাহককে সেবা প্রদান করে থাকে। ‘ইউএসএআইডি’-র এনজিও সার্ভিস ডেলিভারি
প্রোগ্রাম (এনএসডিপি)-এর মাধ্যমে ‘সিডারলিউএফডি’ আর্থিক ও কারিগরী সহায়তা লাভ করে থাকে।

এনজিও সার্ভিস ডেলিভারি প্রোগ্রাম (এনএসডিপি) আন্তর্জাতিক উন্নয়ন অংশীদারদের একটি সংস্থা যা বাংলাদেশে স্বাস্থ্যসেবা নিয়ে কর্মরত ৩৭টি বেসরকারী সংস্থার নেটওয়ার্ককে প্রযুক্তিগত সহায়তা ও সহযোগিতা প্রদান করে আসছে। বাংলাদেশে যুক্তরাষ্ট্রের আন্তর্জাতিক উন্নয়ন সহযোগিতার বৃহৎ কর্মসূচী ‘এনএসডিপি’ ক্লিনিক ও কমিউনিটি স্তরে লাখ লাখ বাংলাদেশী মহিলাদের মানসম্পন্ন মেলিক স্বাস্থ্যসেবা জোরদার করতে কাজ করে যাচ্ছে।

‘এনএসডিপি’র নেটওয়ার্কের ৩১৮টি স্থায়ী “সুর্যের হাসি” ক্লিনিক, আট হাজার ভ্রাম্যমান ক্লিনিক এবং সাত হাজারেরও অধিক কমিউনিটি স্বাস্থ্যকর্মী রয়েছে যারা পরিবারে কম খরচে উচ্চ-মানসম্পন্ন প্রজনন স্বাস্থ্য, মাতৃস্বাস্থ্য এবং শিশু স্বাস্থ্য সেবা প্রদানে উল্লেখযোগ্য ভূমিকা পালন করে থাকে। প্রতি বছর দশ লাখেরও বেশী মানুষ পরিবার পরিকল্পনা সেবা এবং দু'লাখের বেশী গর্ভবতী মহিলা গর্ভকালীন সেবা নিতে এসব সেবা কেন্দ্রগুলোতে আসে। শহর অঞ্চলের যে সব এলাকাগুলোতে ‘এনএসডিপি’ কাজ করে, সেখানে বসবাসরত প্রায় তিন চতুর্থাংশ শিশুকে ‘এনএসডিপি’ তাদের শৈশবকালীন টিকা প্রদান করেছে। এই প্রকল্পের আওতাধীন শহরাঞ্চলে বসবাসরত প্রায় অর্ধেক শিশু এবং গ্রামাঞ্চলে এক তৃতীয়াংশ শিশুকে ‘এনএসডিপি’ তাদের তৌর শ্বাস কষ্টের জন্য চিকিৎসা প্রদান করেছে। বাংলাদেশে শিশু মৃত্যুর অন্যতম কারণই হচ্ছে এই শ্বাস কষ্ট।

বিল ও মেলিডা গেটস ফাউন্ডেশনের সহযোগিতায় আয়োজিত “টাইম বিশ্ব স্বাস্থ্য সম্মেলনে” টাইম ম্যাগাজিন বিশ্ববাসীর স্বাস্থ্যের ওপর যুক্তরাষ্ট্রের মনোযোগ নিবন্ধ করবে। এই সম্মেলনে স্বাস্থ্য সংকটের কর্মপদ্ধতি প্রণয়ন ও সমাধানে চিকিৎসা, সরকার, ব্যবসা, জননীতি ও শিল্পকলার সাথে সম্পৃক্ত নেতৃবৃন্দদের প্রতি আহবান জানানো হবে।

=====

জিআর/ ২০০৫

দ্রষ্টব্য: এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’ প্রেস সেকশনে (টেলিফোন: ৮৮১৩৪৪০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ডবল এন্ড বি: dhaka.usembassy.gov (New) এ যোগাযোগ করুন।